

Skupština Kantona Sarajevo

Admela Hodžić, samostalna zastupnica u Skupštini Kantona Sarajevo

Sarajevo, 06.06.2022. godine

KANTON SARAJEVO

VLADA KANTONA SARAJEVO

ZASTUPNIČKA INICIJATIVA

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj 41/12 - drugi novi prečišćeni tekst, 15/13, 47/13, 47/15, 48/16, 9/20, 14/20 i 16/22) podnosim inicijativu Vladi Kantona Sarajevo da u narednom periodu poduzme sve potrebne aktivnosti kako bi se na dan ispraćaja žrtava genocida u Srebrenici organizovalo puštanje 11 vijenaca sa 11 sarajevskih mostova niz rijeku Miljacku i postavljanje prikladno izrađenih panoa na kojima će pisati istina o počinjenom genocidu u Srebrenici, broju žrtava i počiniočima prema presudi Međunarodnog suda pravde.

OBRAZLOŽENJE

Inicijativu podnosim na prijedlog građana koji žele da učestvuju u ovakvom načinu obilježavanja prilikom ispraćaja žrtava genocida počinjenog u Srebrenici. Građani predlažu čak i finansiranje odnosno kupovinu 11 vijenaca ali nisu u mogućnosti bez naše pomoći organizovati ovakav način ispraćaja žrtava koji se organizuje do 11. jula svake godine. Zbog toga predlažem da Vlada KS obezbijedi tehničku i svaku drugu vrstu pomoći prilikom realizacije ovakvog načina obilježavanja ispraćaja žrtava. Poseban akcent građani su dali na panoe koji bi trebali biti postavljeni uz mostove na kojima treba da stoji prikladno napisano obavještenje primjereno obilježavanju najvećeg zločina u novijoj historiji Evrope i svijeta o počinjenom genocidu u Srebrenici u kojem je zvjerski likvidirano nesrpsko stanovništvo i etnički očišćen ovaj dio Bosne

i Hercegovine od strane bolesnih umova čiji naziv i ulogu također treba jasno napisati na pomenutim panoima.

Sjeme zla nikada nije iskorijenjeno i nikada nismo sigurni kada će isklijati i izrasti u novi genocid poučeni višestoljetnom historijom, te stoga o tome treba opominjati nove generacije koje dolaze svakom prilikom kako bi ih zaštitili, stoji u pismu koje su mi građani poslali.

Naravno, ovo je jedan od prijedloga koji se može doraditi od strane stručnjaka za ovu oblast (Institut za istraživanje zločina protiv čovječnosti i međunarodnog prava, poznati historičari, udruženja žrtava genocida u Srebrenici, Ministarstvo za boračka pitanja KS) u cilju što primjerenijeg obilježavanja ispraćaja žrtava genocida počinjenig u Srebrenici na dan kada kroz grad Sarajevo prolazi najtužnija kolona sa posmrtnim ostacima žrtava.

Admela Hodžić